

T5460/0644(2)

志壑堂文集

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
DEC 17 1940

康輿丁巳四月新平...

海川月夜...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

吳越同遊日記上卷之七

哈佛大學漢和
圖書館珍藏印

丁巳遊記二卷高念東先生王阮亭侍讀手
為點次刪者十之三袁孝廉松籬再刪之畢
刺史載積復為較閱此一役也杖屨之跡縞
紵之情皆於是乎在且什襲原本用志諸公
之教於勿替云爾

淄川唐夢賚濟武日記

康熙丁巳四方漸平欲蠟屐出遊一了湖山之

願適丘郡丞荆石自維揚至云壽陽夏侍御

敬孚學道有得向之清癯玉立者近且魁梧

健飯倍昔時今居泗州于是與高司寇念東

先生決計南行擇于重陽後治裝九日戚友
餞于東郭同行者張恭壽柳在斗高聖與也
作寄金陵徐何二公詩向嘗從王霖公附上
王蓼航夫子札云西子湖頭山陰道上行將
杖屨及之今驪駒且駕矣會聞夫子以病請
告乃兼卜武林之役

寄何第五同館詩

廿載鄉關悵索居聞君道氣徧

樵漁吳王苑裏秋燕子磯頭古木踈詞賦定
知新律好滑稽還似舊時無酒闌見說江山助親

作磨厓斗大書

寄徐寧菴同館詩

少年意氣下鞞鷹梵唄而今就

佛燈五嶽巾瓶歸鷓舫六朝歌吹起漁罾回頭自
笑初生犢未死倘因三折肱江上丹砂知熟否片
帆早晚問金陵

十一日拜先祠告家慈又與王公睿及家弟京

武話行後燈火事

十二日啓行飲餞于城南麗泉先是霑化李宮
詹吉津先生有書來云湖山之約幸可相竣

於是期在望前故復入城也

十三日

十四日吉津先生使來云且至矣遂出城宿店
莊家弟具樽酒連牀夜話許甥寧遠亦至

十五日早行過三里溝柳在斗以感疾不能往
其兄燦東代行午至昌國城東莊時吉津先
生已至少陵云故人相見未從容吾知免矣

宿金嶺鎮

念東先生贈吉津先生詩二十年來事相逢兩老

翁已疑千歲別復此一樽同得失隙中幻憂歡夢
裏空百城瓢笠在不失道人風

十六日過牛山下看溫泉泉久涸初出吉津先

生遇故人之子爲作札謀葬事后至淄河

吉津先生和前韻白髮驚相見餘生老病翁新愁
今日異別淚昔時同遠水流還住浮雲過已空秋
尋攜勝友杖策溯輕風

是日晚宿青州府鍾僉憲一士至念東先生題

溫泉有涓涓金掌露泱泱玉龍涎又有清白

廉無似冲和讓亦兼之句

余和前韻

敢云隨二老五十已稱翁鞍馬林泉外

晨昏笑語同閒行幽興發高咏旅愁空俯仰牛山下
茫茫問大風

念東先生再用前韻天地芒鞋濶遨遊畧放翁江湖
瞥爾去支許偶朕同但喜孟當把何嫌囊屢空
鱸魚吳會美不是爲秋風

又贈余詩七年兩度共君遊前送殘春後暮秋舊
車難驅花徑馬旅懷常覓酒家樓萼美秋老空吳

會杜若香寒泛楚流五夜雲樓清梵好虎丘小駐

問杭州先生自註用唐人一年兩度錦江遊韻

十七日早行南郭外可五里小橋流水淙七朕

吉津先生云此邢太保故址也晡時過臨朐

縣念東先生坐石橋上呼酒共飯午至袁莊

舖宿長莊

十八日過穆陵關宿高橋

吉津先生詩西風黃葉石文斑極目巉巖試一攀
天下才高不復見隆中人去幾時還滄溟北繞通

吳會大峴南橫扼楚關
胙土西京親賜履
礪谿老子正蒼顏

念東先生詩繫碧清社
酒家壚駢邑城南尚可沽
能近清真惟淡遠
茆柴還勝大官廚

又詩苦矜前輩風情少
大逐時趨惡道深
此日青州從事敗糟丘
狼藉似官箴

十九日過沂水宿蘇村東山有文昌祠孝友堂

余詩

獵獵衣襟秋氣侵
版橋橫渡一沉吟
孤城水遠雲林畫古廟
風高孝友心漸近
江鄉多稻渚頻

逢估客半吳音
臥輿雖好勞亡甚
柔櫓雲帆思不

禁

念東先生和詩驛路飛塵遮
莫侵據鞍不廢短長吟
薄求蔬酌征人意
奢取溪山遊客心
塞雁已來催
惡景寒蟬猶未斂
殘音燈前奕罷忻
朕笑屢舞傾敬又不禁

余和吉津先生過穆陵關

亂岫西風野菊斑
籃輿

石磴有躋攀
不知攬勝遊
方始祇道登高客
乍還尚父鼓刀青社土
寄奴捲甲穆陵關
銷沉舊史如

志壘堂文集 卷一
五
流電大藥何人解駐顏

又白石斜陽焰兩涯穆陵關下水漣漪秋蟲艸樹
爭鳴日古驛黃花並轡時北望營丘封自固南流
神禹力難施重來勝地知何日悔不清泉更奕棋
吉津先生和余詩路繞山南見水涯穿林注壑動
淪漪流來濟汶皆爲用力到滄溟豈安施菊蕊稀
疎紅樹外鴻聲嘹唳夕陽時秋光客與憑瀟灑藉
艸藤陰共奕棋

又重嵐疊嶂翠相侵馬首看山好共吟論古須如

商近事析疑只欲慊同心故園未遠仍齊語客路
相聞漸楚音莫向天涯悲歲晚疎林搖落也難禁
念東先生過大峴關歌炎精淪歇遂典午昌明二
帝何足數下邳英雄起艸澤鐵騎南來如虓虎重
關不守捲甲趨纔過大峴人歌舞五龍口塞廣固
危慕容舊社爲焦土振旅縹俘歸建康寄奴咤叱
穆降王再戰秦函慰父老宋臺九錫何輝煌騎虎
之勢不能止六十老翁奪天子玉璽掌中時幾何
宮車晏駕匆匆歿血寢門梟鏡克元嘉大業遂

如此荊州犯闕孺子司馬家兒原爾爾往還天
道最分明請君細看南朝史

張公綬穆陵關詩夕陽策蹇穆陵關一望平沙沂
水連十二雄圖仍舊址三千朱屐盡荒烟蕭蕭黃
葉齊山暮汨汨紅塵蠟屐穿屈指泗城猶七日龐
公許我拜牀前

二十日早至苗家窟橫橋流水南下走馬讀三

原穆相碑條達峭麗居狀作者惜不及鈔錄

晚宿白塔去湯泉可十里許

吉津先生詩秋老寒原夜氣新霜華如練月如銀

危橋馬度疑無地遠舍鷄鳴覺有人欲學無生嗟

老病自知俗骨合風塵還將勝友煙霞意一問桃

源洞裏春

余蘇村曉發詩

百城煙水訪南能孤館聯吟興不

勝闢奕多偏忘日錄縱譚久欲廢晨興松風丹竈

隨弘景菰米鱸魚問季鷹何似金門同待漏鷄聲

初唱夢呼燈

又吹笙跨鶴百無能柳栗橫挑尚可勝不憚星裝

妨日出須携雨具看雲興同行僕似隨陽雁乍客
人如脫臂鷹土鏗短檠渾不寐聞鐘展卷又挑燈
二十一日早至九曲壁上見傳侍御彤臣于比
部子先詩晚抵李家庄有沈君梅鼎者同寓
飯後同念東先生至沂河西岸一望瀾瀾商
舶晚集稍似江南矣夜雨曉晴

余和吉津先生詩

雨後林巒出沐新曉行月闕色

如銀相逢憔悴朱顏者總是蹉跎白髮人橘柚誰
家畱玉樹籬花多分散香塵漫愁湖上桃堤盡客

到吳山正小春

又園丁昨報菊籬新黃鶴翎兼御帶銀抱甕不辭

終歲力上盆誰作看花人

余行時秋菊獨佳

自憐蠟屐雲

山色未免征衫陌路塵舊架圖書初釀熟回頭惜

別故園春

又用前韻贈吉津先生

傭保關門恨不能偶朕把

臂喜難勝流離甚矣嗟先達矍鑠翁哉憤夙興

同行

先生每早起

生入仲升非化鶴眼看上蔡更呼鷹巴山

夜雨分明說真對西窓再剔燈

二十二日飯郟城縣之傾蓋亭孔子遇程子處也邑令黃君子正新建聖像程子季路侍焉萬曆中某令阻鄉人建聖亭之議而自取其材爲已生祠比今歲議建聖廟有云舊材可用者則某令祠也宿紅花埠

余題壁 傾蓋亭中禮法殊尼山賓主詎全無當時
二絕句 束帛先生重遺像何緣侍座隅

學道虛心是聖基偶狀屠釣亦堪師如今端坐臯比者好向郟城問仲尼

高念東先生和余詩殘年臘凍百無能但說尋師喜不勝金斗山川隣楚甸水晶宮闕望吳興憑陵霄漢穿雲鶴解脫糾纏過海鷹南去善財同此意招提到處問傳燈

又勞人不寐屢看星蕭蕭沙頭起塞鴻一夜晴愁三日雨數杯煖敵五更風紅霞覆海金輪出翠幕垂綃玉鏡空安置楸枰將有地前行千樹綠陰中又搖落從渠宋玉愁閒心我正愛閒遊日啣羣岫皆圓炤風湧諸溪盡倒流南去綠楊吳地暖北來

白雁楚雲秋僧伽塔影猶存否十載重來問泗州
又楚鴻南去路悠悠似伴閒人汗漫遊已怯密雲
終作雨可堪長路更逢秋樽前掩卷枰先列旅次
成詩僕慣收野鶴性情雲水路羽人相待過丹丘
又三尺高墳出艸萊巍峩翁仲帶莓苔九泉知愛
松風否且與遊人歇馬來

又解鞍呼酒太匆匆秋色蕭疎客意同棋罷嗒朕
人隱几閒看芋葉動秋風

又泰山北望鬱嵯峨瑟瑟秋風沂泗波齊魯提封

行欲盡明朝此際見黃河

吉津先生和余詩憑陵五嶽羨誰能婚嫁牽纏我
不勝故是柴車客緩步初非警枕使忙興驚心雪
窖曾譚虎側日雲霄只畫鷹欲學無生嗟老病情
朕旅夜對寒燈

又和彤臣壁上韻雨餘楊柳綠依依作客南來似
雁歸水漲還思垂短釣風輕卻欲試單衣踈籬闥
色開黃菊遠樹和烟在翠微最是西成田父喜木
棉花老麥苗肥

余和彤臣韻

天水蒼茫相與依長河南去欲安歸

鳴榔鷁首供軍食打鼓龍旂齎御衣砥柱何堪民
力盡萊蕪尚恨石泉微不知津送隣夫策廷議誰
能較瘠肥

時河使方議協濟修河事

二十三日大雨再宿紅花埠

吉津先生和余詩水霜閱盡老無能書卷詩囊力
不勝濁酒數杯聊晚食征衫兩袂每晨興深耕幾
處驅馴犢淺艸何人試怒鷹喜有良朋消旅况敲
棋入夜更呼燈

余和吉津先生詩
青鞋竹杖一時新囊底仙翁雪
削銀何意飛栖鳥趨馬如曾結約雁隨人酒傭指
點空開甕雨伯殷勤爲洒塵漸近江南天漸煖霜
林黃葉似初春

余和子先壁上韻

驚道明星出迢迢鄉夢回祇今

風雨夜何處水雲隈金井畱殘局蔗漿當曉杯行
行山國盡畱隸莫頻催

吉津先生大雨歌穆陵關上日傍雲掉尾長鯨動
水紋自訝前途三日雨蘓村夜宿遂紛紛沙路塵

清車一放籬菊岸柳溼相向擬到宿遷買小舟誰
知陸海飛銀浪傾盆緊響忽奔雷電繞空梁屋欲
摧徹夜不停晝過午簷溜沒堦泥成堆老友隔牆
不相見榻前咫尺如鄉縣日影穿雲似乍晴囑雲
慎勿再魚形

二十四日過桐嶧壁上見王西樵吏部沈繹堂
宮詹唱和詩往看三仙洞果有金蛇蜿蜒出
石間首圓潤不似凡蛇見人不匿亦奇事也
石屋向日蘚壁藏風真可占跣趺一席地晚

抵宿遷縣同昭戒師湛一

高聖與行沂水道中詩仿水風寒客路紆山重宋
宗遠城郭沙堤月暗渾疑雪驢背詩成數拈鬚村
酒堪嘗沿市問野花爭笑對溪敷莫言乘鶴維揚
便此去爲看西子湖

余聞孫柳下郡丞訃音使圃縞服已驚愁悔不尼
君汗漫遊魚素過江傳故里虎丘對酒盡名流何
緣白鶴千年怨不待黃花九日秋丹旄便當南下
姪湧金門外是西州

孫以九月
六日卒

念東先生予孫柳下詩君驟蘭摧天可疑曾要痛
飲竟淪期一官悞爾分生死萬里將誰奉簡書便
葬西湖原自好若回北道莫嫌遲葛洪川畔空留
石身後身前途豈易知

二十五日渡河沿長堤南下數十里細柳清湖
南雲無盡風味蕭散朕自過宿遷以來河流
大决彌望蒿萊鴻集中澤漂零堪憫河斷處
如一綫可垂筆而渡也挑塞方始民力幾何

宿白洋河

是日吉津先生別往淮安
相期十月望前聚于虎丘

二十六日舟行四十里至歸鎮觸目之况情見

乎詞

藍縷長年與最能蒲帆風起峭難勝新愁决口飄
零甚舊事江湖感慨興市儈生涯添翼虎災黎世
業掠魚鷹誰將歌舞高臺月分作流亾破屋燈

計癸

耶匡廬之役過淮
今距十五年矣

又後載河臣去若梭後來底績欲如何司農正苦
銷金甲水伯奚緣捲白波馬策可從霄漢度民田
不敵鷺鷥多麻姑見淺清當近旅館孤斟一放歌

不二十七日早行稻畦麥隴漸有生人之樂雖童
山赤野依稀如昨而牛羊巷陌煙水池塘棲
畝築場如梁如櫛泗州境內較桃宿之被水
徵夫嗷嗷遍野者頗異矣午至清揚鎮晚苗

家集

余清揚店題壁

茅店三楹牆乍泥呼童濡墨恰無

詩蒯緱挂壁車來晚襪被堆牀客臥遲豈有安單
初結社依狀沽酒共圍棋清霜未落西風暖記取
淮南九月時

念東先生次韻

蹋沙溪畔漸無泥息轡林間每有

詩正永夜分能起早無多路徑轉行遲甜愁江表
沽來酒倦怯燈前敗後棋驅馬淮南秋巴暮西風
催雁欲霜時

二十八日行坡陁沮洳中居民稀少緣前歲大
儉今年乃大熟也老稚每肯指示岐途人心
開早之厚較淮安異矣午至陳家店出村行東山
曲彌望無際甃社射陽諸湖可一葦而渡也
過管家集宿管公舖道左石碣書鮑管分金

志齋堂文集 卷一
處再用前韻

湖上青驄錦障泥吟鞭搖曳未成詩人家稻熟門
開早林表鳥棲月落遲望驛休催魚子粥聽鴻好
趨奕秋棋同遊前去雲垂野繫馬長亭有許時
張恭壽次前韻征車帶雨苦衝泥閣筆沉吟未得
詩山有黃花秋欲老野無白露雁歸遲客懷驚見
三秋月旅邸愁消一局棋訪道淮南君切記西風
吹送壽陽時

念東先生再次前韻鴻爪東西偶印泥吟成旅壁

二留詩寒催薊北鴻來早秋緩淮南葉落遲市上
姬求囊底藥酒家傭看樹陰棋村南風物觀尤勝
又爲湖光駐許時

二十九日至泗州水遶城郭南望盱眙碧瓦雲
林如天上樓閣既至晤夏敬孚同年館于泗
水書院陳遊擊萬鎰來晤譚道夜分乃罷陳
字璞玉夏公門弟子也先是宿管公舖卽遣
一价至泗州敬孚曰我固知兩公之至也已
治具掃除者舊矣飯畢登見山樓共語敬孚

曰道家者流所指佗關人人異說竅妙不分
無從下手因訴其在臺班時每入朝步至端
門輒喘吁不勝須同輩扶掖以入又不嗜飲
啖髮種種白矣從導師傳訣後日三餐皆倍
常時齒生鬚黑常相地登山兒輩不能及也
因指授佗關根穴並出所藏書錄之大指有
吸必至根呼止至帶混沌正中潛神氣窟等
語並道其靜中靈異十餘種如開眼見星月
聞仙師語休咎預知人至隔牆聞人譚論對

面見自身像見仙師像貌等事同學弟子亦
狀如陳君一上座喜鵲飛繞棲肩際亦不出
也今甘露已降矣午至僧伽大聖寺觀塔登
其前閣水雲浮城蒲葦蕭蕭帆檣從雉堞間
過指點南山玻璃泉龜山寺青翠撲人看宇
海嶽外史題為淮南第一山信哉宿書院見

十山樓

贈夏敬孚同年詩 旅鐘敲破夢蘧蘧猶記逢君雁
塔初鍊藥曾煩勾漏令起痾舊抱越人書宣公章

奏違烏府劉向編摩罷石渠慚愧故人丹鼎熟三生煙棹訪茅廬

十月初一日至敬孚宅張恭壽來相晤飯後出

城夏公送至河而別渡淮過盱眙縣在山巔

循石逕行迤邐山中宿舊舖

念東先生詩拜繞凌霄窳堵玻片帆信宿過淮河
泰蒙已遠山重見江海相隣水自多遊子餐加綠
少酒輿夫行倦反成歌夕陽猶可前村去童僕偏
慵莫聽他

初二日入天長縣界山漸有樹田漸有塘人家

漸有竹菽稻穰穰較盱眙尤勝回憶宿桃水

患殆霄漢也因念山塘蓄水田家要務而江

北不知雨集則信其衝決既爲田患稍旱則

祈禱之餘惟有怨咨是豈盡天之咎哉或謂

江鄉水淺故蓄則不涸山國雖蓄亦易竭耳

余謂不朕每一事之成幸非一日之積向嘗

見山中石工舊坑水嘗不匱卽有青蒲紅蓼

生焉居人亦未嘗厚出爲一畦之用至於卑

田下澤山國亦復不少其沮洳與江鄉同也
村頭一灣隴右一泓止供飲牛塗豕與溲勃
同耳夫謀之既不早不專而引之又無器此
北人之相習于拙也守其先矩而不知變也
水利不盡秋收亦寡商賈不通穀值復賤士
大夫地大而荒增賦一出束手無謀于是有
投繯者甚矣哉山東之窘也因念海禁不開
海門常塞此天下兩大患海禁已有抗議及
之者而海門一說舉國如結舌黃河挑築大

或金錢是關隔而滌其牙齒也庸有濟乎

漸喜江鄉山不童松篁獵獵傲西風野園雖好無
亭榭知是陶朱種竹翁

靈異三仙洞久誇峒崕西北入山斜女郎詩句僧
鐫壁果見龍蟠金色蛇
念東先生詩山頭塘水不愁枯收稻辛勤婦與姑
莫道三吳多蕩子吳兒多半上農夫

初三日過六合縣南來旅店之長莫長于汊澗
百貨鱗集諸商輻輳東南一都會也民間太

平景色總出于廟堂休養之一念耳宿浦口
東南望金陵真門泊東吳萬里船也

興行終未似舟閒况復臨江樹色斑隔岸斜陽帆
不動章章似畫挂青山

又下埽如林捲白波金陵江上柳婆娑年年砍盡
青絲短客唱陽關可奈何

念東先生詩吳頭楚尾浩烟波不負江山一釣蓑
斜日去沽京口酒殘鐘來聽廣陵歌寄奴巷裏苔
碑斷佛狸祠前社鼓多方悟古人今盡死乾坤浩

劫竟如何

又北客南來定改觀牆頭籬外盡檀欒綠沉萬頃
琅玕動值得征人立馬看

又髡卻垂楊更作叢萬條旖旎困東風烏衣子弟
森森立笑倒柴桑五老翁

又和前韻丹竈難封六乙泥焚香且讀紫陽詩紅
塵落劫天酬懶白髮尋師客笑遲舌底醍醐三昧

酒橘中世界四仙棋他年若剪巴山燭須話金陵
道上時

又見贈詩君曾振棹遊彭蠡我亦張帆過洞庭二
十年來無恨事臨流回首尚多情

又金輪高峙水雲鄉坐對南山清泗長十載扁舟
楚水夢如今又似到瀟湘

初四日遣役入金陵卜寓閒行江岸見賣菊花
者璀璨如在圃中也是日入浦口城看禮拜
寺竹又東行至桃花塢出江干小飲仍宿浦

口

念東先生再次前韻仙緣何用覓青泥且檢瑯環

洞裏詩景福賦傳身退早仙翁羽化我來遲三山
烟月騷人酒六代君臣低手棋欲向華陽詢大劫
茫茫龍漢此何時

又雲霄江海各浮沉花月長干尚可尋淮蔡欲平
誰有相輕肥自許我無心褰裳五岳追禽慶揮塵
三支叩道林離卻家緣人自在驂騑頓轡已駸駸

初五日過江浪平風利至王家渡飯後舟中共

奕薄暮入江寧

次念東先生韻
浦城帆發曉雲沉此去溪山好共

尋佛殿披緇宮監相健兒走馬御街心來看賜莖
勲臣廟一過安禪祇樹林把酒鳳凰臺上望紅塵
車騎正駸駸

初六日寓承恩寺何宮允第五來晤言論丰儀
宛似向時

初七日雨中方侍御邵村鄧元昭先生來晤二
公開朗特達坐譚甚快鄧公有魚膠丸方將
索之方言句容楊某者乃聖調年兄之弟數
學最精記歸登茅山當往一請益也是日知

徐太史寧菴已作古人

初八日晴將一眺牛首雨花之勝乃爲賓客所
累僅步至卜肆問卜循書舖廊看書畫憶癸
卯所見善丹青者無復故人矣晚詣賓筵抵
夜歸寓

初九日出聚寶門登雨花臺岡阜逶迤竹樹叢
秀平眺石頭城歷歷在指顧間十載長干烟
月夢于今親到雨花臺也將觀佟園以鄧元
昭先生在萬竹園相待遂赴招坐中孫孝則

劉良弼方邵村諸公皆學道人也各譚靜業
不減龍華勝疇昔之夜鼓吹十部矣園重廊
複榭簷管無數豈止萬哉狀曲折太繁不盡
曠朗登樓東指鳳凰臺竹外依稀可辨作二
絕句

文定橋邊雲水屯危欄相向似溪村於今始識秦
淮渡桃葉橫舟只對門
又馬前秋水綠人衣馬上鍾山溼翠微把酒不煩
歌玉樹吳王舊內晚菘肥

初十日晤王德邁同年王星緯之學甚淡云今
年歲星在齊遲速順逆皆就其道來歲六月
後當在豫再一歲又在充也劉觀察海門自
言得不二和尚養生之傳者紀處士伯紫並
來晤是日赴何第五招吊張有方同年毋夫
人喪觀其竹園清曠怡人題孫孝則四世圖
孫靜坐中悟前身一爲女子殉節倭亂一世
爲尚書一世爲僧并今吏部爲四世也
隣桑寄玉環僧窆留故紙如水之與泡多生彈指

耳禪靜中諸幻識滅有此理纒囚不足悲令僕不足喜墮地原非生蓋棺亦非死若作宿命通窈恐爲魔使若見相非相請自今世始不朕十七史從何處說起吾生信有涯泡息還爲水龍華會中人再拜看休子

孫自號看休居士

又詩

荏苒孤舟客再來櫓聲咿啞雁聲哀土仍吾土青帘改人是前人白髮催王謝舊家桃葉渡蕭梁世業雨花臺請看六代興亡後潮打石頭城又

四

又絕句
南朝佳麗水雲隈客爲探竒得得來蕭寺土堆高數尺老僧說是鳳凰臺

十一日卞居士圖南過晤卞爲念東先生道友先生嘗數數爲言卞公再來人也座間譚教外別傳之旨無碍辯才妙如伽陵雖老堂頭不能過也卞授記于靈岩爲言茶毘繼公時事祥光舍利得未曾有是日赴海門招元昭先生亦至再赴王工部子玠招

十二日赴卞居士招云龐公勿實諸所無句爲

不住于空因及日午打三更北斗向南看等
句數年之疑頓解飲高郵酒甚佳次赴邵村
之約第五亦至酒一再行卽登舟矣宿水西

門

十三日鷄唱舟行比明枕上問榜人已六十里
推窗盥沐曉霧濛濛蘆葦一抹兩岸山村歷
歷塵勞頓釋如羈鳥之脫樊籠也岸上霜樹
微紅江風漸烈午泊舊江口登岸看海雲菴
斑竹楊守脩不顯來楊爲念東先生故交精

養生家言年五十一與余同而其丰采秀發
則余瞠乎其後矣所言靜功最得柱下之旨
云初入靜時有要語二謂我身不令我見我
氣不令我聞又靜久則用行其庭不見其人
良其背不見其身二句所云庭者蓋指天庭
也與觀鼻端白法同而不拘一法耳又云不
二和尚甚呵母呼亦呼母吸亦吸之非相傳
有吸提呼鼓並吸齋呼胖四字云楊精神豪
邁倜儻不羈蓋本于天者也宿舊江口初至

舟未免嫌其濼隘余作四種觀一駝轎二號
房三搖牀四柙牀夫轎雖大寧有如舟之寬
者乎舉子號舍一尺地仍研究七義未有病
其窄而不入者且枕上行數十里栩栩入華
胥是躋我于嬰兒也若將不如已者強作排
遣則罪人上柙後搔抑便溺皆不得此何異
天堂耶擬歸日作一室纖悉皆如舟形尤是
樂事耳

贈楊丕顯詩

湖海交遊識而初專城寶劍過樵漁

蒼生猶困常施藥丹鼎將成尚讀書氣壓千軍新
制府心知四皓舊茅廬與君同歲慚多病肘後金
針定起予

楊自敘其戎服見上官時某公憐之曰聞子善
醫又學道人也奈何就此微職披執拜謁乎
楊愕貽應之曰實無此事某公云適參謁非
爾乎曰適乃儀真守備見帥府爾我分中原
無此事某公云久欲承教楊云公坐于上某
坐于下相隔懸絕非促膝握手豈能譚道乎
其侷儻如此

十四日舟早行數里風起暫泊復行推窓則金
山在帆檣外焦山以霧塞不可見因思渡揚

子江有一法沿岸而進風利則行浪湧則止
尚不如彭蠡洞庭之茫無畔岨也但舟子規
便却強作解事耳鎮江府梳檣喧雜泊西門
移泊南門以築壩改謀陸行

十五日泊京口覓夫騎登岸則日已晡矣居人
畏軍伍車驢皆匿僻處詢以所苦則目左右
顧不敢語再問之則又左右顧蓋投克輩之
使人噤聲如此已而見牧卒三兩遊行菜圃
中則園戶自相詈曰爾曹真睡夢死也二戶

長已至圃而不知耶蓋晨奉菜把以爲歡否
則長驅蹂躪之矣晚宿丹陽舟中是夕月食
十六日夢覺聞鷄聲舟行已數十里至呂城鎮
渺渺一衣帶水如遊園觀決岸而南殊無所
見焉得百尺樓船耶憶去日出京口山逕透
迤中陂塘泛綠荷芰猶青村攢雲樹山起松
風鞍馬雖勞北人終以此爲適是日宿常州
府貫酒甚佳

余詩已過揚子泛真州錦纜徐牽自在流北去便

風南下水往來人快似輕鷗

又竹樹蕭蕭落木遲輕舸如葉水淪漪人同漁父

閒無事吟罷新詩共奕棋

又扁舟近郭水雲鄉指點青帘信客嘗莫道糟丘

風不競蘭陵美酒至今香

又江湖逸興浩難收每約青帘一上樓甘蔗無端

封酒郡醉鄉生與割鴻溝羊羔虛擬銷金帳崖蜜

空斟碧玉甌賴有蘭陵差不惡糟丘風味似陽丘

十七日曉發毘陵是日望惠山觀放生池宿無

錫縣紅樹清波風景頓異

竹纜徐牽彩鷁開村鷄未唱榜人催櫂歌聲斷綠

何事一葉抄江賣菜來

又鴨嘴船如局促何花驄蹀躞羨峩舸如今鷁首

支願看岸上垂鞭逸興多

又前途風利水南灣鼓掌長年喜破顏兩岸棹歌

聲不斷船頭指點惠泉山

又北人南下黯神傷濁水童山蜜酒漿大好惠山

山下樹經霜紅葉似般陽

十八日過澣墅關譏稅頗嚴是法行也使司兵
者戢其卒司民者約其役盡如此豈不承平
立效哉晚過虎丘寺歷講臺劍池千人石諸
勝繞佛塔茶肆紛張遊人沓集少東爲五人
墓緬想此山未荒時巋然一片石原自磊落
可喜又劍池一澗澹然壁立竹樹雜植亦天
狀勝槩不必茗榭僧寮也但多遊女不見禪
徒未免渣滓太清耳作六絕宿閭門

念東先生詩纔見明星已解攜孤舟停處又鷄棲

多年問舊逢人少長路違村得米遲拋卷且嘗新
買酒呼燈重理半殘棋閒詞吟就無人唱留向真
娘墓上題

又舟過蘭陵風物清琉璃波嫩綠層層輕裝馳過
郵符使孤棹歸來盞飯僧霜浦河明驚蟬斷風林
葉動見漁燈香爐茗椀幽人事陶峴三舟愧未能
又晴日微風旅興舒由來輕舫勝安車旣經客路
休苛酒欲暢閑情并廢書過站卒傳催檝馬乞錢
僧詫放生魚剪燈新話虞初志搜訪陳農恐未如

又京口纔過已不同楊帆况近闔廬城燈籠濃寫
官街字估肆矜張海錯名老衲市門多傲兀少年
衣飾盡輕盈虎丘東去名花列畫舫珠簾盡有情
余詩劫盡圍棋罷戰爭客歸殘子尚縱橫如看劉
項當年事惟讀淮陰傳不平

又講臺十載夢魂間策杖旂亭一破顏獨怪生公
諸上座於今強項更痴頑

又偏宐高屐點蒼苔古德白椎法座開借問遊山
諸女伴可緣居士散花來

又漠漠輕雲壓女牆姑蘓城下水湯湯浣紗石上
青苔老無復尋芳響屨廊

又酒帘歌舫鬧姑蘓日日笙簫日日湖不爲荆襄
催戰鼓居狀一幅太平圖

又海國瘡痍半未蘓金陵戰艦送彭湖不知水調
歌頭裏猶有沼吳越女無

十九日發蘓州風蓬蓬如御仙也小泊吳江縣
薄暮細雨和風過八尺宿平望諺所謂平望
八尺爺娘不識者也夜雨

念東先生詩十里橫塘路不遙平波彌望葉蕭蕭
馬行堤背橋如榭鷺泛波心荇結巢千疊雲雷將
墜日一帆風送欲歸潮廊空响屨人何處千載魂
歸恨寥寥

又迢迢千里厭車塵布鞵芒鞋越水濱善宦故人
偏遇病閒行長路自宜貧携來出世烟霞侶償卻
多生雲水身安道剡溪無恙否雪中把臂與尤真
又走馬看山恐未宜遊人選勝去如馳生公石畔
休辜負數息松陰坐許時

又花宮此日律筵開雲水遊僧問講臺畢竟吳兒
真解事酒徒不許梵宮來

又虎丘山畔酒船來徙倚生公說法臺當日儂痴
今自笑欲移霜竹過江栽辛卯過此移大竹數竿
于舟中過江已枯矣先

生自

記
又順風收纜莫嫌遲篷底飛觴篷上碁寶帶橋頭

書乍展吳江過去已多時

又笑語篙師去若馳來人惆悵亦應宜不須妬我
乘風快幾日停舟君未知

余詩 把柁船頭喜若狂岸頭收纜緩鳴榔長年緒
語煩清聽風滿雲帆且半張

又 江湖苦餉厭談兵始識爺娘大有情平望村中
今夜雨和風細浪縠紋平

又 來船歡喜去船愁自下金陵困石尤一日馬當
神送客傷風帆挂往來舟

又 二十日風逆甚騎行堤上入嘉興府城出南門
坐大橋上候舟不至過三塔寺看竹霜柏葉
紅如桃花轉法輪藏晤諾巖禪師茶話次舟

至命僕輩拽緯以行寺門碑亭載吾邑高東
溟先生撫浙時督建石堤數千丈功甚鉅碑

文日月爲萬曆之壬子秋卽念東先生所生

之年也宿斗門

東溟公念東先生祖也先生
卽生于浙署

念東先生二絕國色朝酣喜乍逢胭脂掩映綠楊
叢不應喚作丹楓醉真是芙蓉十丈紅

又 美人重浣越溪紗傾國紅妝立水涯又似仙人

殷七七江南十月放桃花

又 百載金堤利尚宏橫遮衣帶浪崩騰遲舟看竹

元龜堂文集 卷一
穿荒寺下馬尋碑問老僧載酒須穿霜後葉放生
誰續塔中燈先公賜履遺謨在再拜摩娑百感興
又三塔堤邊一繫船殘碑讀罷意淒朕水犀百戰
春秋地花甲重周壬子年芒屨行沾吳岫雨布帆
遠挂越溪烟羊公峴首思前事自愧江湖雪滿巔
又支許追隨喜此行滄桑過眼意還驚新來風物
或同異舊日交遊半死生烟水雙舟楓下宿霜天
兩度越中行故人湖上應翹首爲祝長風促去程

至虎丘吉津
先生已行

又煖應小春十日晴濃雲發雨怒潮生孤舟短燭
薰香臥斜漢殘星破曉行人望青帘商酒價馬嘶
紅葉帶溪聲妙高峯頂知誰在童子南詢憶福城
又落照荒陂急漿行纔驚滴瀝綠波盈寒霜催柝
人無寐急雨連溪夜有聲雲嶠青鞋追舊約蓬窓
紅日待新晴茫茫震澤天無際又喜飛雲貼水平

二十一日風息波平遲明行六十里過石門縣

宿雙橋

菽水依朕侍北堂夢回祇在水雲鄉姑蘇穫稻溪

志齋堂文集 卷一
猶綠就李霜楓葉漸黃無復故人多少壯不堪蘭
藉弔存亾北來新授毘尼戒斷麪絕葷却酒漿
念東先生詩緩棹微風過石門柔柔萬頃傍城繁
蕭蕭紅葉林間寺泛泛青鷗水上村一局殘棋飽
後着三杯殘酒夜來存江鄉地煖時時雨新漲苔
磯沒舊痕

余過石門詩 買舟久矣廢行滕野泊危橋試一登
酒不堪嘗惟看竹仙雖難遇且尋僧參來語句敲
門瓦悟後捺行續命燈亦有程朱爲佛子堂頭豈

得太膏騰

又 船工相識住高郵爲問舟徒打壩不船婦開窓
迎面笑夜來風便離杭州

又 惠泉老酒盪三杯駕掌前村買米回船上鉦鳴
收纜早橋頭路近好眠桅

念東先生詩臨溪紅樹晚蕭蕭樹杪虹梁送目遙
九野滌回銀漢迥五雲隱見玉龍高分營犀甲傳
霜柝駐楫鳧舟傍野橋欲倒一樽雲海去白蘋風
起趁歸潮

二十二日過北新關宿得勝壩戴京兆岵瞻來

晤

念東先生詩高密休誇萬竹園青瑤碧玉露華鮮

北歸定向陽丘去嘗酒兼看竹似椽謂鄧元昭太

史也

又白鷗泛泛遶溪輕風順真能怡客情纏也不收

椽不臥高橋能放小舟行

二十三日入武林岵瞻假寓公道容粹盜居里

修謹而館餐之情太殷幾於逐客矣即日謁

蓼航夫子詢知維摩病狀為之欣狀夫子三

月二十一日抵任四月二十二日即謝病堅

臥不出兩臺敦促至六七皆不應所謂量而

後入者耶途次遇王霖公馬上畧識吳山面

二日以微雨未登歸再過岵瞻暢譚臨濟宗旨

別後與念東先生奕數局乃寢夜作一律

開樽湖上弔鷗鷺此老生平諒獨知探討三茆將

問藥逢迎雙戟頓無詩霜柑入市偏經眼灰酒沾

唇動損脾吳越山川渾似昨葛洪澤畔牧牛兒

二十四日晤李君石書詞氣開朗平原信陵之

志齋堂文集 卷上
壽也同念東先生飲蓼航夫子署中所覓肩
春興如飛北人豈能及乎作一絕

周旋于我本無關禮在何能罷往還報刺主人剛
不在寒帷暢好看吳山

歸寓知王綏山同門至自都門作大歡喜

二十五日早過綏山濶久快譚爲道訪余至陽
丘普集鎮聞已有遠行畱一騎于小役卽取
道萊蕪南歸也此行之樂旣已追隨念東先
生瀕出里門而吉津先生驅車疾馳三百里

如期而至客途倡酬同遊不易旣至武林獨
以不得遇綏山兄爲恨孰意余下舟之次日
遂歸自長安三千里有如宿約又自我故園
來也區區范張何足道哉晚集岵瞻宅觀劇
演唐伯虎祝枝山故事歸嘗武康酒頗佳

十六日楊通政靜調邀遊西湖出錢塘門先
至昭慶寺買竹枝詞新刻廊下問卜跌坐移
一失時登舟至湖心亭小泊登樓六橋雙峯宛如
舊識雖湖光猶昨而竹樹凋殘大似故人睽

隔鬚白髮短惟有面目依稀耳

一笑江干杖屨輕十年好夢太勞生畫圖索駿西
湖志暮燕營巢南渡城客自蕭閒寧待鶴花當剪
伐久無鶯惟聞後舫笙歌發乍似飛來石有情

二十七日岵瞻來共飯贈高峯語錄祖訓錄要
及禪波羅蜜節要等書雨中陸侍御鶴田來
此公有許負唐舉之術而在臺班不畏強禦
未易才也賓筵觀劇演捐贖流亾之事長者
食厚報有味乎其言之也何減優孟哉歸途

作孤山詩

兩宋三唐休便休幽人泉石足風流水田補綴山
僧衲畫軸烟雲釣客舟鶴頂長成兒邁種梅花開
放錦纏頭此間惟有林和靖頗怪蘓娘共一丘

二十八日郁光伯同年來年七十矣精神發越
如昔時遲暮以來此公差強人意又云嘉善
同譜七人其六人皆健在無恙可喜也綏山
兄邀遊其別墅入門亂石坡陀曲廊紆逕過
蛛隱亭北登嶂臨溪隨處皆可坐臥所植樹

皆已蒼老。施子蓓蕾將放，蘚壁蒼苔結構頗得高深之致。余戲謂王霖公焉得并州快剪刀，剪取吳淞半江水。昔人愛畫頓至欲割裂尺幅，此園雖重複不可名數。朕大勢分作三區，吾與子當堵門各據量，留中峯歸之趙壁。但恐夾谷會上索其汝陽之田耳。相與一笑。朕主人乃屢招下榻，未果往也。余與念東先生各有贈綏山詩，已霖公先別。念東先生云：榻愁宋寔終難下，余應云宅自瑯琊可不分。

蓋二王爲兄弟也。岫瞻與余各共綏山奕一局而罷。

余贈綏山詩

右丞詩句倍清新，幾載西泠遠市塵。

莫唱鬱輪袍亦好，輞川已信是前身。

王善音律

又故人祀嶽駐湖涯，閩橘江墩共酒卮。料起九原

猶有恨，不從別墅共圍棋。

水壺少宰向來祭告未遑至此，故再詠之。

又胸中五嶽舊難平，華髮燈前百感生。老友暢談

無忌諱，幾回鳴劍說人情。

又千里維舟若合符，君來北海我西湖。慈恩塔下

梁州夢不記當年得見無

念東先生贈綏山詩登堂長揖喜還驚乍徙蓬山
跨五城窄澗何緣波有態小山真訝桂多情樽前
北海英雄氣戶內東山絲竹聲將相偶朕無足道
煩君一出爲蒼生

又二峨不用問仙桃此日元龍正自豪餘子何堪
當一鶚勝情正欲對雙鵝驄牽油壁能無夢鶴去
孤山尚可招蠟屐空山拚共醉紅牙禪板鳳凰簫
二十九日過郁光伯廷尉出錢塘門至昭慶寺

循廊下皆寺僧賣戒珠衣帽經摺舊書畧似
金陵書廊朕僧具鉢魚之外雜以鉛粉殊不
可解便是風俗好遊何不聽其城中貨取乎
渡桃花港登斷橋與念東先生孫樹百給諫
同坐移時樹百別去遂上孤山入四賢祠向
祀李白蘇林四賢近且增而七又復增而十
數矣壁上見王棻澳徐東癡刻詩歸途楊靜
調酒舫急招之則余舟穿橋入錢塘矣

三十日爲具招帖瞻綏山共可續恭壽奕午何

雲子來此公亂後閩海抗節頗爲仕籍生色
同鄉招飲座中皆山東人已再赴他招歸寓
雨蕭蕭徹夜不止

十一月初一日雨不止岫瞻邀遊其別館館在
第後由僻巷小門入至一堂開屏北望巨浸
沒堦岸植線柳芙蓉楚楚含蓋循前廊而東
再折廊在水上再折山在廊下巨柳倚檻橫
山矗矗庭中開徑可坐臥山間雜植梅桂再
折入南軒堦下列岫天竹紅子離離複榭望

之不盡望別院一樹銀杏叅天岫瞻云目前
伐木造船此樹已封殆不免矣此番協濟江
南船木園亭丘壠皆不能保蘇松道方君國
棟伐陽羨善卷洞前樹前一夕道人夢七男
子寄語方公倘緩至某日緣盡當徙方公以
大役不敢市私恩又無所取巨木促工人斲
之血出直射木工死根杪鳴有聲已伐六株
而撫軍檄至戒勿伐善卷洞樹已晚矣方君
驚悸病作數日遂卒

念東先生贈岵瞻水軒詩乍展屏風枕水濱長廊
西折更空人便牽碧杜沅湘夢欲現佞真蓑笠身
華子崗頭天宗歷戴公山下影漣淪吳綃寫取丹
青去歸向般陽一效顰

初二日從念東先生與王霖公登吳山最高峰
所謂瑞石山者嶮崎磊落獨無祠宇左江右
湖覽眺歷歷天畱此一片地不爲緇俗所污
猶存本來面目如泰岱之有鳳翔崗也循山
而下竹樹尤佳再酌故人酒座中讀吉津先

生詩又兩赴別酌歸則漏十五下矣詩另錄
初三日張可績自武康來王鶴汀同館相約訪
某僧與念東吉津二先生劉止一同往聽其
言觀其貌一老僮耳而浪得浮名蓋彼自負
前知而問休咎者又趨之如鶩遂爲所惑耳
狀其崛強不隨俗趨附亦有可取者

初四日岵瞻綏山邀遊靈隱天竺黎明戒行出
錢塘門由陸路過昭慶寺苔拜魏學憲子存
遂行北望保叔塔南迤邐一帶磚塚纍纍皆

駐防旂丁火葬于此素車紙錢日相望也駐防之害人知之矣駐防之離鄉背井沐雨櫛風豈能一二爲漢人言耶况樵採牧馬輩強半皆土人投充者夫復何尤所謂戴文進王叔明畫樓皆不知在何處過智果寺子瞻參寥汲泉烹茶處再過烏窠寺又西入岳廟拜墓下忠義坎壈過者有淚無聲矣狀相傳墓樹枝皆南向者訛也回望孤山西陵橋浮水上岫瞻云從載記中看西泠梅塢不知作何

狀親到不過如斯世間萬象種種狀矣經九里松實無一株松也馬上與王戴二公譚次至合澗橋卽白樂天所謂東澗水流西澗水南山雲起北山雲也前爲飛來峯以恭壽可續未至遂與吉津先生先行坐小石橋上泉流樹蔭徘徊不能去探龍泓呼猿洞諸公偕至同步至冷泉亭卽靈隱山門也水浸亭堦山橫亭上怪峯老樹拔地拂天渡江以來此爲勝矣巨德晦山二老皆沒晦山之翁諦暉

禪師出具茶已復回飯蕭家樓綏山與可績
奕罷乃入靈隱寺上韜光一路竹樹琳瑯削
竹爲筒引泉曲折灌畦澆花流入香積厨少
陵所謂山木蒼蒼落日曛竹竿裊裊細泉分
王季重詩鳥來佛殿施花去泉入僧厨漉菜
衍殆謂是矣與念東先生散坐小橋上以日
暮卻回余謂山水之勝妙在橋亭一則攬其
勝一則據其要也韜光小橋畧似廬山棲賢
橋冷泉亭畧似駢邑嚴陵釣臺東去一橋在

飛來峯下者又如吾家長白山柳菴門前畧
約但云蘓子瞻便是司馬子長河豚便是西
施舌江瑤柱恐自肩以下不及禹者三寸耳
就輿馬回合澗橋歷下中天竺至上天竺禮
觀音大士入上白雲房穿寺躋其閣則在山
上也佛殿飛觥談禪對奕五夜乃罷亦太狼
藉矣宿處啓窓曠望巨篁蔽天與吉津先生
聯榻話舊夜聞別寺僧詬甚厲明日以問岵
瞻云想文殊與普賢厮打耳無他也爲之一

笑念東先生畱詩

此行真足暢幽情歷盡岩巖杖履輕
佳客莊言皆帶謔山行奇福况逢晴
峯如屏列丹青畫竹與松爭
晉楚盟歸去聖湖雙漿緩西施笑靨正盈盈
余宿天竺和韵蠟屐空山便有情
蘇堤况趁馬蹄輕人乘宿願來初地
天許閒遊放曉晴九里松殘惟弔古
三生石在莫寒盟精藍宴坐渾無寐
看月初生魄漸盈

初五日飯後出寺岵瞻先至德水法師楊梅塢

師能詩惜已謝世回至飛來峯下劉止一
至乃同至毛家渡登舟過第四橋泊湖心寺觀
放生池投之以麵修鱗掉尾來吞之有數尺
者董思白題爲魚樂園宐哉江鄉殺業惟魚
肆最慘所見放生池惟湖心爲勝誰謂非魚
不知魚之樂耶繫纜湧金門往哭孫柳下已
乃登舟從錢塘門入

初六日雨甚陸鶴田邀遊西湖不能往惠以近
刻丁萊公給諫王鶴汀太史皆見贈五魁卷

浙闡紀畧是日雨中陸鶴田移樽至邀岵瞻
止一同來暢談三生因果事鶴田道其嘉興
移佛事最爲靈异當另紀之劉陸皆宿寓中
至曉乃別

初七日同鄉再招飲見新製別軒開敞如北方
之制別去過止一寓往吳山訪孫善長王少
仙以日暮不果

吉津先生詩幽尋愛到冷泉亭洗耳悠然問獨醒
濺雪聲吹懸瀑白按藍色洗衆峯青游人拄杖穿

紅葉小僕攜琴立翠屏吾友堪爲投老地西來樹
下坐談經

念東先生詩浮圖霞外望亭亭袖拂天風醉眼醒
木落更添千澗碧雲低不掩衆山青亭邊鶴去穿
銀浦洞裏猿歸下玉屏十載滄桑多少事重來疑
是未曾經

初八日晤雲居禪師師報恩法嗣開堂二十年
而樸貌古心祇似種田博飯僧門風可知矣
岵瞻邀念東先生來同話二公問荅次頗有

所省師以

世祖御書向賜報恩者

今上取觀茲復勅送還山來拜謝表也午後綏山
偕汪楊二歌客來共飲絲竹間發酒酣綏山
亦肯一歌殊不減楊柳外曉風殘月也念東
先生謂其字字清圓真如貫珠余與綏山云
習歌如習字舞劍弄蛇遂云一見而悟亦不
易其藏鋒折腰落腳處如飛鴻容與渴驥奔
泉釵股痕何如屋漏痕耶綏山以余爲知言

初九日過吉津先生寓赴宗兄朗思酌已別去
觀劇演虎囊彈座客感動歌者亦復泣下二
鼓歸寓李鄴園制府以札至云柯山片石雖
不足以探遊屐如獲扁舟惠狀明燈永夕以
敘歲寒良慰契濶之思云云遙憶爛柯如虹
梁繞人夢寐也

初十日荅拜繆念齋同館至昭慶寺與陸鶴田
坐移時再飲同鄉酒故園之味故自不同也
十一日觀佟園曲室高臺清沼危檻處處皆極

人工之巧再赴他招已二鼓主人洗爵而醉
梨園兩部迭進往返抵寓可二十里倦極矣
十二日陸鶴田來邀帖瞻來共飯荅拜施少叅
愚山念東先生與論近代詩人評次虞山孟
津婁東諸公愚山又云近日古文詞寧都魏
叔子爲最問吉津先生案頭有此集當借觀
之

十三日念東先生將往紹興祭周巢軒先生余
亦泛舟江東一了山陰道上之願遂過吉津

先生寓攜魏集同行出望江門可十里登舟
晚潮初上村樹微茫江天一色捨舟而車捨
車而肩輿則子瞻所賦西興渡口幾度斜暉
也舟至蕭山海風甚厲投宿寺中月季花開
方艷夜聞鳩鳴物候之不齊有如此是日作
武康修學宮序

十四日入錢清江以劉寵一錢得名也觀魏叔
子集頗有歐陽永叔矩矱亦有志于當世者
奇士也夜宿舟中與吉津先生奕是日閒適

水亭假山竹樹出亭後傑閣對峙循閣而東
小山出女牆外一望巨浸無際漁艇泊茂林
邊則蕺山王右軍題扇處也

十八日早起買小舟出水便門繞城而西漁村
稻渚林樹青巒參差散浮水上過禹陵不入
直泛南鎮下未至鎮登岸南行修篁中可二
里坊題東南第一鎮廟南向歷代祭告勒石
東西亭拜殿下見一少年焚楮幣默禱則祈
夢者也許竹隱追至禹陵讀响嘯碑拜禹王

西上窆石亭石如巨杵蝌蚪文漫滅碣載是
古所以纒棺者禹穴當在亭下按纒棺之碑
志在禮經不知五帝時已有此制否况禹穴
在蜀諸家辯之詳矣所稱山陰道上令人應
接不暇者或云在諸暨竹隱云曾至諸暨目
不停瞬恐覩面失之而亦無所遇也狀是行
也亂峯疊翠松筠雜植山上下即使倪雲林
黃大痴諸人復出亦必云其生平得意筆矣
小飲禹陵外石橋上遂入舟行未久竹隱酒

舫至暢飲論文念東先生云江行惟糞船最
惡若著一令俱使夜行爲佳卽如都門牛車
填滿至使朝覲者不得入何不令柴車行道
邊人行道中俱無碍也此司空之事耳余笑
謂糞船夜行真爲佳話若王子猷一時高興
或楚重瞳衣錦夜來便不須更爲之區畫矣
竹隱笑失聲燭再易始入城

十九日徃拜姜孝廉亦載座中晤雲間故人蔣
大鴻姜家臥龍山下堂側開扉拾級而上四

廊小山再折登水亭袁籜菴題鑑湖一曲龍
山之麓鑿池畝餘亭右倚山左繞水老樹橫
空再度石梁高臺出樹杪縹緲疑非人境東
上則府治越望亭與城隍山一帶矣出姜第
登城隍山椒平眺於越山川如在几案間指
點去日所遊南鎮禹陵水氣山嵐蒼茫不可
辨識道院幽折皆可坐臥誠郡治之勝地歸
飲劉生世洙酒生念臺先生諸孫也座中晤
吳江詩人顧茂倫是日席間倡酬得數詩時

小優佐觴若不聞也贈許竹隱詩

霜落吳門出越關錢塘蘭棹水雲閒西興渡口斜
陽外南鎮碑亭暮靄間輿馬風塵資敬叔道林經
卷過蕭山禹陵樽酒橫橋上記取扁舟燈火還
念東先生和詩遠遊原勝掩柴關縱不登臨意已
閒白髮天容婚宦外青山人在向禽間殘霞低覆
千溪水斜日高邨萬點山一任使君歸騎促城南
有客坐忘還

余詩

漁扉入夜八可會關尚笑鳧鷗未解閒王謝文

章霜樹裏陶朱事業水雲間嘗聞鑑曲難爲水除
却蘭亭不似山宛委藏書知有在好探金簡共人
還

念東先生詩三朝晴日敞雲關似縱閒人此日閒
岩壑尚存典午後風流不墜永和間壯觀已渡錢
塘水佳事猶牽鄧尉山響屨廊空香未盡梅花開
至客方還

余詩

經冬鳥語尚關關箬笠詩瓢好是閒蘆荻蔽
天舟一葉松篁掩逕屋三間辭官范蠡歸何水保

楯夫差尚此山莫似子猷興易盡故人未見便空還

念東先生詩
芒鞋猶未蹋禪關
翰卻雲門衲子閒
藜杖長松斜日外
蒲團修竹緒風間
閒行正好旁
尋墅小倦何妨不上山
無雪輕舟兼有月
醜顏應勝剡溪還

余詩
仙霞南去築巖關
組練雲旂報已閒
羽檄正飛催巨艦
軍書何日罷行間
孝侯燈下長橋水
處仲樽前建業山
好祝陽春傳露布
同人鼓棹凱歌還

還
時座上方演周處故事

念東先生詩
歸去扁舟誓掩關
浮生肯負暮年閒
家儲名士酒千斛
屋借老僧雲半間
滄海遙通秦帝水
方壺近似謝公山
躡躡龍尾成何事
鶴背安期待往還

余詩
霜鞋落木扣松關
始識人間鶴鹿閒
不爲浣紗來響屐
豈因萼菜下雲間
旂亭買斷無灰酒
藜杖登殘木假山
歸去吾廬尋句曲
三茅好問大丹還

又贈鯉魚橋主人詩 吳越輕舸泊水關主人院宇

自高閒諸君合置雲樓上此子或空丘壑間木榻

留賓棲鳳竹晴窓對客臥龍山鄭莊驛舍渾無厭

直住平原十日還

二十日陪念東先生祭周巢軒前輩于鄉賢祠

禮畢周公子邀飲姜孝廉第中卽定菴第也

酒數行王侍鄉千里招飲坐中贈二絕句

贈王千里先生詩

長安知舊漫招魂范蠡歸來酒

蒲樽除卻高陽誰與似鑑湖一曲是家園

高陽今相國先

生同 著也

又 酒壚問訊遍山陽經過山鄉復水鄉萬竹園中

招飲後歸狀又見魯靈光

又詩

黃菊初開客未看臘梅已放覺年殘常餐稻

粥脾還濕乍着狐裘臂尚寒井邑蕭條民力減江

湖狼藉酒杯寬道人杖屨渾無定莫與山川便竭

歡

二十一日工部鍾赤松邀飲鍾舊萊蕪令也歌

者奏浣紗四折而行過沈生紹紘五酌登舟

至葛橋宿焉

二十二日夢中發舟初擬夜行船至偕行以秣
 馬故月出始起纜行可十餘里見船隙月影
 乃悟在山陰道上也晚宿固陵夜作四絕句
 山谷老叅無隱禪不聞聞處與誰傳如今江上難
 迴避撲鼻風來載桂船

北客來惟厭稻梁魚腥酒蜜不堪嘗道人得授毘
 尼戒玉版禪叅酪乳香

僧伽繞座號經行一杖而今顛轉萍微幸飽叅三

大士雨花南鎮冷泉亭

知命無如納土良不懸左纛亦封王八千父老真
 無計於越由來歷世長

二十三日渡錢塘入望仙橋東樓居新寓吳山

宮闕來窓上越國樓船過鏡中矣

二十四日念東先生作六十絕句今錄其半

烟中萬瓦望鱗鱗左右江湖入眼新此日登臨應
 盡興吳山久已待歸人

列岫排雲點點蒼重樓特喜對初陽江聲振耳非

吾土雲影猶疑似故鄉漁艇時因尋寺遠馬蹄屢
爲聽歌忙東遊入篋奇書在罷酒挑燈典正長
清流如帶遶城行城上青山低壓城位度未來景
寂寞好山年少尚無名

茫茫元氣浩難收一水能浮萬斛舟若欲爭名桑
苧譜囑君切莫入城流

一府歌伶竟百班朝朝歌舞到更闌
雉鷁鷁國俳場笑更愛合歡圖好看

雙文詮釋意何如若比虫魚事更殊
莫道餘姚燈

欲燼薪傳喜得念臺書

京兆林塘新樣開季方亦是火攻才
名山好水如

全錦付與良工金剪裁

藿食誰能佐一籌司農仰屋萬民愁
共云凋敝年來甚不獨滇閩烽火稠

城隍廟枕吳山巔覽盡江湖鏡裏妍
別館幽軒

一好遊人悞到鬱羅天

預計歸途歲已邁朔風掠面雪盈頭
到家紅日三竿睡少解關山五夜愁

城郭依稀霸業空白雲猶逸越王宮投簪少伯知
何處正在俳場歌舞中

青溪東趁早潮回南去分流水閣開六月火雲南
國劇何人攜酒此中來

溪山正笑有情痴未看圖經處處疑已識浣紗溪
上影空光名字也應知

吳越人居半是樓地憂窄處占天優少離卑溼差
堪喜不見溪山亦足愁

溪水湯湯野望遙扁舟遠趁未歸潮曉寒空酒拋

書卷坐聽隣舟紫玉簫

步入濃陰萬綠叢如椽修竹萬竿風縱饒花露遲
遲飲綠醉紅酣正不同

沿岸穿村一杖扶山行小倦便跣趺蒲團三尺千
竿下似與禪天樂不殊

堤旁處處是柔柔嫩葉纖柯二尺強採葛歌聲千
載怨東南原是綺羅鄉

翩翩一棹越江東來固忻狀歸亦同西去關鄉已
眼底東來丘壑滿胸中

小山人去已難招支許千秋更寂寥十載初來仙
分淺飡霞未遇漢陽蕭

千秋元白驛書閒杭越盈盈一水間
可應船頭幾度問蕭山

到處勾留似賈胡南行日記未應踈知君曉起蓬
窓底細與溪山作畫圖

夜行虛度子猷舟投刺蕭山又滯留斜日渡江也
自好不過今日入杭州

漫向長風怯孟婆家家籬外挂漁簑奴驚異域難

沽酒馬慣扁舟易渡河倦雁似投遠浦懶歸人偏
向夕陽多如何歲晚穠華歇未聽蓮娃一曲歌

二十五日微雨絲絲曉起推窓看吳山如彩雲
影裏仙人羅扇遮面也寒甚將煮藥酒已買
枸杞蔗糖圓眼胡桃等味適藥罈爲何人竊
去不果旋加藥味少許入壺中煮飲酷似故
鄉佳釀一洗南酒之陋矣戴岵瞻來

二十六日比舍郎他徙余移北樓下啓後扉籬
外雜植楚楚可觀作贈王綏山詩

金門音跡付踈慵頗憶同遊聽曉鐘西子湖邊芳
艸暮丈人峯下碧雲重連牀快語三天竺並馬晴
看九里松慚愧杜陵無此句與君相見太從容

二十七日冬至以主人病將移寓吳山下回憶

山陰之行作一詩王綏山來共飯畢同觀新
寓李閣學子靜來觀其出使記不減山海志
怪傅介子班定遠之書矣

苧蘿溪口舊蘭亭山色蒼茫霜樹青不見美人留
粉黛空傳道士寫黃庭近城竹密晴雲黑過市

多港水腥極浦漁舟雙短棹寥天孤鶴一修翎

二十八日移寓瑞石山之東麓先一日王綏山

云有孫生住山間故友王冰壺嘗卜居盍往

觀之比至則新寓右隣也未入門石砌小巷

清潔門前石磴石欄老樹扶踈入門西樓高

揭八分書翠幙二字用薩都刺詩簾幙人家

紫翠分句也爲方邵村筆更入內一小軒南

折曲廊斗室推窓竹樹方塘則瑞石山在簷

際矣出軒西折朱檻橫橋倚鳥道蛇行而上

巨石嶽崎梅花散植發石子爲圍基方几長
磴可坐可奕再折則武林萬瓦鱗次在杖下
再登則錢塘潮汐溶溶狀如來耳畔也念東
先生流覽延佇頓有下榻之意以人衆地狹
不果是日抵寓院宇高敞山光侵戶投鞭卽
步至紫陽菴登瑞石山歸來庭前山茶盛開
飲奕賦詩

茶花紅艷照前榮客至如歸對短檠出井不愁天
渺渺登樓久厭地彭彭松篁入座渾疑雨杖屨尋

幽莫待晴明日吳山躋步外紫陽道院似瑤京
念東先生詩山茶妖艷擅傾城客裏初逢喜復驚
絳節疑隨輕靄下紫綃偏向夕陽明莫嫌梳子爲
前輩已笑梅花以後生青瑣窓前修竹倚天寒翠
袖倍多情

又贈隣舍孫生詩山靈也復賴經營酷似丹青觸
手成啓戶便疑穿洞入臥牀已勝跨山行沙頭鷗
鳥樽前過廊外蘭橈鏡裡明不用笙歌喧醉耳天
風日日送潮聲

二十九日吉津先生至同飯後再遊紫陽觀先
是由尋真路橐駝峯過蘇子瞻牡丹亭入觀
後遂登南山穿鳥道望錢塘江如明練歸路
險幾不可下猿狖引臂蜥蜴據壁僅而獲免
山下觀者成叢共駭呼必不可下而竟下也
至是入菴後遂登城隍山則康莊大道祠宇
皆東向幾如天堦矣大約紫陽之勝在殿右
一隅靈石峭削架閣空際蜿蜒而入穴洞皆
穿頗似飛來峯前呼猿洞直可謂飛飛來耳

薩天錫所咏白露夜滴青芙蓉者正是其處
丁野鶴肉身小閣在竹石之間拾級而上北
向最清曠再過術者于瞽仙肆遂歸

余登吳山詩

青鞋鎮日得躋攀巖際閒居一破顏

望裏銀濤飛匹練座中曉鏡起雙鬟錢塘江北原
通海明聖湖東更倚山不識逢迎成底事儘教心
跡稱高閒

念東先生詩通佞寶殿地高寒青鳳尾遮碧玉天
已許尋君成勝賞縱饒風雨也來看

余詩
 鼓角天魔演傳奇不過歿別真生離卻緣嘈
 雜三杯酒悞我還丹活子時

東山不蕭豈我知九率盤好
 望真殿高氣西歸山中與與
 余登吳山詩 青蓮殿日耕
 向景漸細存蘇香未替山
 丁裡歸向吳小關外存百
 前天殿河利自觀外觀皆天
 香香五長其真

